

DATE: 18/7/2009

Tun Abdullah syor kaji mansuh ISA

Rangka akta keselamatan lebih mesra hak asasi rakyat

Oleh Nahar Tajri
nahar@bharian.com.my

SINTOK: Bekas Perdana Menteri, Tun Abdullah Ahmad Badawi, berkata kerajaan wajar mempertimbangkan untuk memansuhkan Akta Keselamatan Dalam Negeri (ISA) dan digantikan dengan undang-undang lain yang membenarkan penahanan pencegahan dengan mempertahankan hak asasi rakyat.

Abdullah berpendapat Malaysia masih memerlukan

mekanisme penahanan pencegahan demi keselamatan negara, namun tidak harus mengorbankan kebebasan dan hak asasi atau disalahgunakan untuk tujuan politik.

"Suka atau tidak, ISA sebagai akta dicemari dengan stigma sebagai unsur negatif kepada agenda memperkasa demokrasi negara.

"Inilah transformasi yang saya percaya rakyat harapkan kerana tindakan pencegahan harus tidak mengorbankan kebebasan hak asasi manusia



SULTAN Abdul Halim Muadzam Shah menganugerahkan Ijazah Kehormat Doktor Falsafah Demokrasi kepada Tun Abdullah di UUM, Sintok, semalam.

“Suka atau tidak, ISA sebagai akta sudah dicemari dengan stigma sebagai unsur negatif kepada agenda memperkasa demokrasi negara”

Abdullah Ahmad Badawi
Bekas Perdana Menteri

atau disalahgunakan untuk tujuan politik.

"Mungkin contoh yang boleh dilaksanakan adalah mengehadkan skop penahanan pencegahan kepada ancaman tertentu atau akta baru boleh dihadkan khusus untuk mencegah kegiatan keganasan saja sekali gus mengurangkan kemungkinan penyalahgunaan kuasa demi matlamat politik," katanya berucap pada majlis konvokesyen khas sempena penganugerahan Ijazah Kehormat Doktor Falsafah (Demokrasi) kepada beliau oleh Universiti Utara Malaysia (UUM) di sini, semalam.

Majlis penganugerahan itu disempurnakan Sultan Kedah, Sultan Abdul Halim Mu'adzam Shah.

Abdullah turut memuji kesediaan kerajaan mengkaji semula akta itu yang disifatkannya sebagai menampakkan kesedaran mengenai permasalahan yang berlaku.